

ՇՐՋԱՓՈՎԿՄԱՆ 100-ՐԴ ՕՐ

Մարտի 21-ին լրացավ Արցախի շրջափակման 100-րդ օրը: Ստեփանակերտի Վերածննդի հրապարակում կազմակերպվել է ակցիա՝ վերահաստատելու պայքարի կամքը և արցախցու ծայնը լսելի դարձնելու համայն աշխարհին: Արցախի պետական համալսարանի ուսանողներն ու դասախոսները մասնակցել են ակցիային, հանդես եկել ելույթներով:



ՔՐԵԱԳԻՏԱԿԱՆ ԿՈՆՖԵՐԱՆՍ ԱՐՊՅ-ՈՒՄ



Մարտի 21-ին ԱրՊՅ պատմության և իրավագիտության ֆակուլտետի իրավունքի ամբիոնի նախաձեռնությամբ տեղի է ունեցել քրեագիտական կոնֆերանս՝ նվիրված ՀՀ քրեական և քրեական դատավարության օրենսգրքերում տեղ գտած խնդրահարույց փոփոխություններին, ինչպես նաև ԱՀ-ում դրանց կիրառման նպատակահարմարությանը:

Կոնֆերանսի նախաձեռնող, իրավունքի ամբիոնի վարիչ, ի.գ.թ. Տաթև Գևորգյանի խոսքով՝ թեման խիստ արդիական է, և նման ձևաչափով միջոցառում առաջին անգամ է կազմակերպվում. նպատակը՝ ուսանողներին գիտելիք փոխանցելն է նաև ոլորտում պրակտիկ գործունեությունն ծավալող մասնագետների կողմից:

Զեկուցումներով հանդես են եկել ԱՀ քննչական կոմիտեի տարածքային քննչական վարչու-

թյան պետի տեղակալ, արդարադատության 2-րդ կարգի խորհրդական Հայկ Իշխանյանը՝ (թեմա՝ «Խափանման միջոցները ըստ ՀՀ նոր քրեական դատավարության»), ԱՀ Գլխավոր դատախազության հատուկ քննչական բաժնի պետ, արդարադատության 2-րդ դասի խորհրդական Դավիթ Դալլաբյանը (թեմա՝ «Ապացուցողական գործողությունները քրեական դատավարությունում»), ԱՀ Գլխավոր դատախազության դատախազ, արդարադատության 3-րդ դասի խորհրդական Լուսինե Սուլեյմանյանը (թեմա՝ «Քրեական հետապնդումը բացառող հանգամանքները ըստ գործող և ՀՀ նոր քրեական դատավարություններին»), ԱՀ ՆԳՆ ոստիկանության շտաբի պետ, ոստիկանության գնդապետ Արմեն Սովսիսյանը (թեմա՝ «Պատժի տեսակները ըստ գործող և ՀՀ նոր քրեական օրենսգրքի»), Ստեփանակերտ քաղաքի Ոստիկանության վարչության պետ, ոստիկանության փոխգնդապետ Բորիս Զալավյանը (թեմա՝ «ՀՀ նոր քրեական օրենսգրքով նախատեսված պատիժների կատարումը»), ՀՀ Սյունիքի մարզի 1-ին ատյանի ընդհանուր իրավասության դատարանի դատավոր Վահե Զիվանյանը (թեմա՝ «Դատական քննության ընդհանուր պայմանները»):

Զեկուցումներն ուղեկցվել են քննարկումներով և հարց ու պատասխանով: Ներկա էին «Իրավագիտություն» կրթական ծրագրի ուսանողներ, դասախոսներ:

	«ԱՐՑԱՆԻ ՀԱՄԱԼՍԱՐԱՆ» ամսաթերթ	Խմբագիր Զ. Սառաջյան	Տպաքանակ 400	Իմացիր քո համալսարանի մասին:
	Հիմնադիր «ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆ» ՊՈՍԿ	Մեր հասցեն Մ. Գոշի 5: Դեռ. (047) 94 04 91	Տպագրվում է Արցախի պետական համալսարանի հրատարակչության տպարանում	Այցելիր asu.am կայք: www.asu.am

ԱՐՑԱՆԻ ՀԱՄԱԼՍԱՐԱՆ



ԱՐՑԱՆԻ ՊԵՏԱԿԱՆ ՀԱՄԱԼՍԱՐԱՆԻ ԱՄՍԱԹԵՐԹ - ЕЖЕМЕСЯЧНАЯ ГАЗЕТА «АРЦАХИ АМАЛСАРАН»

№ 02 (248) մարտ-2023

ԱՀ ՆԱԽԱԳԱՀ ՀԱՐՈՒԹՅՈՒՆՅԱՆԸ ՆՈՐ ՆԱԽԱՐԱՐԻ ՆՇԱՆԱԿՄԱՆ ՄԱՍԻՆ ՀՐԱՄԱՆԱԳԻՐ Է ՍՏՈՐԱԳՐԵԼ

Արցախի Հանրապետության նախագահ վել է Արցախի Հանրապետության կրթու- Արայիկ Հարությունյանը մարտի 16-ին թյան, գիտության, մշակույթի և սպորտի ստորագրել է հրամանագիր, համաձայն նախարար: 2023-03-16 որի՝ նորայր Յակովի Մկրտչյանը նշանակ- president.nkr.am

ԱՐՊՅ ՌԵԿՏՈՐ ԱՐՄԵՆ ՍԱՐԳՍՅԱՆԸ ՇՆՈՐՀՎՈՐԵԼ Է ՆՈՐԱՅՐ ՄԿՐՏՉՅԱՆԻՆ ԱՀ ԿԳՄՍ ՆԱԽԱՐԱՐ ՆՇԱՆԱԿՎԵԼՈՒ ԿԱՊԱԿՑՈՒԹՅԱՄԲ

Հարգարժան նորայր Յակովի Արցախի պետական համալսարանի պրոֆեսորադասախոսական կազմի, ուսանողության և անձամբ իմ անունից շնորհավորում եմ Ձեզ՝ ԱՀ ԿԳՄՍ նախարար նշանակվելու կապակցությամբ:



Մեր երկրի համար այս բարդ ու դժվար իրավիճակում պատասխանատու պաշտոն ստանձնելը առաջին հերթին անխոնջ ծառայություն է հայրենիքին ու առաքելություն: Ձեր անցած ճանապարհը՝ դեռևս պատանեկության տարիքից սկսած հայրենիքի պաշտպանության վեհ գործին նվիրվելն ու հետագա ողջ ընթացքը, վկայում են, որ Ձեզ համար գերակա սկզբունքը հայրենիքի ու պետության շահը դասելն է ու ծառայելը հանուն այդ սկզբունքի:

որը, լիահույս եմ, դեռ պիտի շարունակվի՝ արձանագրելով նորանոր հաջողություններ:

Դուք Արցախի պետական համալսարանի այն շրջանավարտներից եք, որոնցով մայր բուհը հպարտանալու հիմքեր ունի, ինչպես նաև համագործակցության հարուստ ու բովանդակալից անցած ճանապարհ, ինչպես նաև համագործակցության հարուստ ու բովանդակալից անցած ճանապարհ, ինչպես նաև համագործակցության հարուստ ու բովանդակալից անցած ճանապարհ, ինչպես նաև համագործակցության հարուստ ու բովանդակալից անցած ճանապարհ:

Հավատացած եմ, որ Ձեր մասնագիտական գիտելիքների, մարդկային որակների ու պատասխանատու ոլորտում ունեցած փորձի արդյունքում կհաջողվեք կրթության, գիտության, մշակույթի և սպորտի նախարարի պաշտոնում՝ նպաստելով բնագավառի շարունակական բարելավման և զարգացման գործընթացին:

Մաղթում եմ Ձեզ արդյունավետ աշխատանք՝ հայտնելով նաև իրականացվելիք ծրագրերին մեր ակտիվ մասնակցության և աջակցելու պատրաստակամությունը՝ ի շահ մեր հայրենիքի զարգացման:

ԿԱՅԱՑԵԼ Է ԳԻՏԽՈՐՀՐԴԻ ՆԻՍՏ

Մարտի 7-ին կայացել է ԱրՊՀ գիտխորհրդի նիստ՝ ԱրՊՀ ռեկտոր Արմեն Սարգսյանի նախագահությամբ: Նիստը մեկնարկել է պարզևատրոման արարողությամբ: Արցախի Հանրապետության նախագահի հրամանագրով «ԼՂՀ վաստակավոր մանկավարժ»-ի պատվավոր կոչման է արժանացել ԱրՊՀ երկարամյա վաստակ ունեցող դասախոս Վարդուհի Գաբրիելյանը մատաղ սերնդի ուսուցման և դաստիարակության գործում ձեռք բերած ակնառու հաջողությունների և բացառիկ ավանդի համար:



տությունների և կրթական ծրագրերի ցանկը լիազոր մարմին ներկայացնելուն: Հարցը ներկայացրել է ռեկտորը: Գիտխորհուրդը քննարկել է և հաստատել է հարցը: Օրակարգի հաջորդ հարցերով ուսումնական աշխատանքների գծով պրոռեկտորը և ղեկամները ներկայացրել են տեղեկատվություն 2022-2023 ուստարվա 1-ին կիսամյակի քննաշրջանի արդյունքների, 2022-2023 ուստարվա 2-րդ կիսամյակի ուսումնական գործընթացի ընթացքի մասին:

Օրակարգի հաջորդ հարցով փորձուսուցման բաժնի պետ Անուշ Հայրապետյանը ներկայացրել է տեղեկատվություն ավարտական խմբերի փորձուսուցման մասին:

Գիտխորհուրդը քննարկել է տպագրության է երաշխավորել «Արցախի ժողովրդագիտությունը» հատորաշարի հերթական հատորը, հաստատել ԱրՊՀ ասպիրանտներ Հերմինե Արզումանյանի և Սոնա Մուսայելյանի կատարած անհատական-հետազոտական աշխատանքների պլանը:

ԱՀ նախագահի հրամանագիրը ներկայացրել է պատվավոր կոչումը հավաստող շնորհագիրը Վարդուհի Գաբրիելյանին է հանձնել ԱՀ ԿԳՄՍ նախարարի պաշտոնակատար Հասմիկ Մինասյանը՝ շնորհավորելով նրան և բարձր գնահատելով Վ. Գաբրիելյանի վաստակը և՛ հանրակրթական դպրոցում, և՛ բարձրագույն ուսումնական հաստատությունում դասավանդելու գործում:

Ռեկտոր Արմեն Սարգսյանն իր հերթին շնորհավորել է բարձր է գնահատել Վարդուհի Գաբրիելյանի մարդկային հատկանիշներն ու մասնագիտական կարողությունները՝ բնութագրելով նրան որպես ազնիվ, աշխատասեր, արդարամիտ, պարտաճանաչ և իր գործի նվիրյալ մասնագետ:

Գիտխորհրդի օրակարգի առաջին հարցը վերաբերում էր 2023-2024 ուսումնական տարվա մագիստրատուրայի և ասպիրանտուրայի մասնագի-

ՏԵՂԻ Է ՈՒՆԵՑԵԼ ՕԼԻՄՊԻԱԴԱ «ՄԱԹԵՄԱՏԻԿԱ» ԱՌԱՐԿԱՅԻՑ



Մարտի 30-ին ԱրՊՀ-ում բնագիտական ֆակուլտետի մաթեմատիկայի և ֆիզիկայի ամբիոնի նախաձեռնությամբ տեղի է ունեցել օլիմպիադա «Մաթեմատիկա» առարկայից, որին մասնակցել է համ-

րակրթական դպրոցների 9-12-րդ դասարանների մոտ երեք տասնյակ աշակերտ:

Բնագիտական ֆակուլտետի ղեկան, քիմիական գիտությունների թեկնածու, պրոֆեսոր Վոլոդյա Միրզոյանի խոսքով՝ օլիմպիադայի նպատակները դպրոցականների շրջանում բնագիտական առարկաների հանդեպ հետաքրքրություն առաջացնելն ու զարգացնելն է, մասնագիտական կողմնորոշմանը նպաստելը, նաև բուհ-դպրոց կապի ամրապնդումը:

Օլիմպիադայի ավարտից հետո աշակերտներին շրջել են համալսարանում, դասախոսները նրանց ծանոթացրել են համալսարանի հնարավորություններին, գործող կրթական ծրագրերին:

ԱՄՓՈՓՎԵԼ ԵՆ ԾՐԱԳՐԻ ԱՐԴՅՈՒՆՔՆԵՐԸ

«Քաղաքացիական հար» հասարակական կազմակերպությունը հայտարարել էր հետազոտական աշխատանքների մրցույթ Արցախի պետական համալսարանի ուսանողների համար: Ամփոփվել են ծրագրի արդյունքները, հաղթողները՝ արժանացել խրախուսանքի:



Ծրագրի հիմնական նպատակն էր ուսանողների մոտ զարգացնել հետազոտական և վերլուծական մտքի կարողություններ՝ աշխատելով տարբեր աղբյուրների հետ:

Հետազոտական աշխատանքների մրցույթում հաղթող են ճանաչվել ԱրՊՀ ուսանողներ Էլիմար Գևորգյանը (թեմա՝ Մարդու իրավունքների հիմնախնդիրներն ու լուծումները Արցախում), Աստղիկ Բաբայանը (թեմա՝ Կոռուպցիայի դրսևորումները Արցախում: Պատճառներ և կանխարգելման հնարավոր ուղիներ), Կարեն Բալայանը, Արևիկ Բաղդյանը (թեմա՝ Անվտանգ Արցախի տեսլականը), Սնեժանա Թամրազյանը (թեմա՝ Արցախի Հանրապետության

ծեռքբերումներն ու բացթողումները հակամարտության համատեքստում), Արա Սարգսյանը (թեմա՝ Արցախյան հիմնախնդիրը ծագումնից մինչև մեր օրեր: Հիմնախնդրի լուծման ուղիները: Արցախի ժողովրդի ինքնորոշման իրավունքի իրացման հեռանկարներն ու անկախ պետականության անհրաժեշտությունը): Մրցույթի հաղթող ուսանողները կստանան կրթաթոշակ՝ 100 000 դրամի չափով:

Նախատեսված է նաև դրամական փոխհատուցում հետազոտական աշխատանքի ղեկավարի/դասախոսի/ համար՝ 50 000 դրամի չափով:

«ԶԱՐԴԵՐ ԵՎ ՊԱՅՔԱՐ» ԽՈՐԱԳՐՈՎ ՄԻՋՈՑԱՌՈՒՄ



Մարտի 5-ին ադրբեջանական զինուժի դիվերսիոն խմբի հարձակման հետևանքով հերոսաբար նահատակված ոստիկանների հիշատակին Արցախի պետական համալսարանում կազմակերպվել է միջոցառում: Միջոցառումը մեկնարկել է լռության ընթացքով՝ ի հիշատակ հանուն հայրենիքի անմահացած հերոսների:

Պատմության ամբիոնի վարիչ, պ.գ.թ., դոցենտ Ն. Սարումյանի նախաձեռնությամբ կազմակերպված միջոցառումը գիտաուսուցողական դասընթաց էր՝ «Զարդեր և պայքար» խորագրով, որի ընթացքում ուսանողները հանդես են եկել թեմատիկ

զեկուցումներով:

Միջոցառմանը Ն. Սարումյանը նշել է, որ արցախահայության համար ստեղծված այս լարված պայմաններում դասընթացը կարևոր նշանակություն ունի և հետապնդում է մի նպատակ. «Երիտասարդ սերնդին նորից վկայակոչել պատմության անցած ուղին՝ հիշեցնելով, որ իր գոյության ընթացքում հայ ժողովուրդը իր անվտանգությունը ապահովելու համար դիմել է ինքնապաշտպանական գործունեության և կարողացել հայրենիքի պաշտպանության դիրքերում ցուցաբերել հերոսություններ: Այսօր մեր առջև ինքնապաշտպանվելու խնդիրն է ծառայել, այսօր մենք բազմաթիվ զոհերի գնով կարողանում ենք մեր անկախ գոյակցությունը ապահովել»:

Կարևորելով հայ ազատագրական պայքարի և նրա գործիչների դերը հայ ժողովրդի գոյապայքարում, նա ընդգծել է, որ գոյապահպանման խնդիրը այսօր էլ իր արժեքայնությունը չի կորցրել, և որ օրվա հրամայականը միասնականությունն է ու պայքարը:

ԳԻՏԱՄԱՆԿԱՎԱՐԺԱԿԱՆ ՓՈՐՁՈՒՍՈՒՑՈՒՄ ԱՐՊՅ-ՈՒՄ



ԱրՊՅ տնտեսագիտության ֆակուլտետի տնտեսագիտության տեսության և կառավարման ամբիոնի «Կառավարում» մասնագիտացման մագիստրատուրայի 2-րդ կուրսի ուսանողներն ԱրՊՅ-ում անցնում են գիտամանկավարժական փորձուսուցում:

Փորձուսուցման շրջանակում մագիստրանտներն առաջին շաբաթը ծանոթացել են ուսումնական գործընթացի կազմակերպման և վարման փաստաթղթերին, 2-րդ և 3-րդ

շաբաթների ընթացքում նախ՝ դիտորդի կարգավիճակով մասնակցել փորձառու դասախոսների պարապմունքներին, ապա՝ նախապատրաստվել և անցկացրել տեսական ու գործնական պարապմունքներ բակավարժատուն:

Փորձուսուցման շրջանակում նախատեսված է նաև մագիստրանտների կողմից գիտական նյութերի, դրանց վերլուծության վերաբերյալ մեկնաբանության կամ գիտական հոդվածի նախապատրաստում: Ավարտին ուսանողները պետք է ներկայացնեն հաշվետվություն գիտամանկավարժական փորձուսուցման մասին:

Տնտեսագիտության ֆակուլտետի դեկան, տ.գ.թ., դոցենտ Ռուզաննա Մանգասարյանի խոսքով՝ փորձուսուցումն անցնում է արդյունավետ՝ նախապես հաստատված պլանի համաձայն: Փորձուսուցումը մեկնարկել է մարտի 6-ից և կտևի մինչև ապրիլի 31-ը:

ՇԱՐՈՒՆԱԿՎՈՒՄ Է ԱՐՊՅ ԱՎԱՐՏԱԿԱՆ ԽՄԲԵՐԻ ՓՈՐՁՈՒՍՈՒՑՈՒՄԸ

Շարունակվում է ԱրՊՅ ավարտական խմբերի փորձուսուցումը: Փորձուսուցման շրջանակում մարտի 20-ին ԱՅ ԱԺ նախագահ Արթուր Թովմասյանը հանդիպել է ԱրՊՅ «Թարգմանչական գործ» 4-րդ կուրսի ուսանողների հետ, ովքեր երկշաբաթյա փորձուսուցում են անցնելու խորհրդարանում:



Ողջունելով ուսանողներին՝ ԱԺ նախագահը նշել է, որ արդեն ավանդույթ է դարձել տարբեր մասնագիտություններով ուսանողների փորձուսուցման կազմակերպումը երկրի օրենսդիր մարմնում: Նա ընդգծել է «Թարգմանչական գործ» մասնագիտության կարևորությունն ու կիրառական նշանակությունը և հորդորել ուսանողներին կատարելագործել գիտելիքները:

Հանդիպման ընթացքում Արթուր Թովմասյանն ուսանողներին է ներկայացրել խորհրդարանի կազմավորման պատմությունը, պետական կառավարման համակարգում օրենսդիր մարմնի դերը, խորհր-

դարանի առօրյա գործունեությունը և Սահմանադրությամբ Ազգային ժողովին վերապահված լիազորությունները:

Այնուհետև Ազգային ժողովի աշխատակազմի ղեկավարի տեղակալ Գարիկ Ժամհարյանը, ընդունելով ուսանողներին, ներկայացրել է օրենսդիր մարմնի կառուցվածքի, մշտական հանձնաժողովների և խմբակցությունների աշխատանքների, օրենսդրական գործընթացների և ԱԺ գործունեությունը կարգավորող իրավական ակտերի վերաբերյալ տեղեկություններ:

ԱՐՁԱԳԱՆՔԵԼՈՎ ԱՅ ՊԵՏՆԱԽԱՐԱՐԻ ԿՈՉԻՆ



Արձագանքելով Արցախի Հանրապետության պետական նախարար Գուրգեն Ներսիսյանի՝ կամավորական խմբեր ձևավորելու և պետության կողմից իրականացվող ծրագրերի իրագործմանն աջակցելու կոչին՝ Արցախի պետական համալսարանի ռեկտոր Արմեն Սարգսյանը մարտի 6-ին հրավիրել է խորհրդակցություն, որին մասնակցում էին ՈՒՇԴՀՏԱԳ պրոռեկտոր Վիտյա Յարամիշյանը, ֆակուլտետների դեկաններ, ստորաբաժանումների ղեկավարներ, ուսանողական ինքնավար կառույցների պատասխանատուներ:

ԱրՊՅ ռեկտոր Արմեն Սարգսյանը,

կարևորելով համալսարանականների կամավորական ու հանրօգուտ աշխատանքը և պետության կողմից իրականացվող մարդասիրական ծրագրերի իրագործմանն աջակցելու անհրաժեշտությունը, նշել է, որ համալսարանի ուսանողությունն ունի նմանատիպ ծրագրերի մասնակցության բավականին փորձ:

Խորհրդակցության ընթացքում ռեկտորի կողմից ստորաբաժանումների ղեկավարներին և ուսանողներին տարվող աշխատանքների պատասխանատուներին տրվել են հստակ հանձնարարականներ՝ ուսանողներից կամավորական խմբեր ձևավորելու և ըստ անհրաժեշտության մարդասիրական տարբեր ծրագրերի իրագործմանն աջակցություն ցուցաբերելու նպատակով:

Ուսանողական ինքնավար կառույցների կազմակերպչներին իրենց հերթին այդ աշխատանքներին կամավորագրվելու և իրենց նպաստը բերելու պատրաստակամություն են հայտնել՝ նշելով, որ արդեն ձևավորված խմբեր ունեն, կամավորագրման աշխատանքները կշարունակվեն:

ԱՐՊՅ ՈՒՍԱՆՈՂՆԵՐՆ ԱԿՏԻՎՈՐԵՆ ՆԵՐԳՐԱՎԿԱԾ ԵՆ ԿԱՄԱՎՈՐԱԿԱՆ ԱՇԽԱՏԱՆՔՆԵՐՈՒՄ



Արցախը Հայաստանին կապող ճանապարհի արգելափակման հետևանքով ստեղծված իրավիճակում հանրությանը մարդասիրական ծրագրերով աջակցություն ցուցաբերելու ԱՅ պետնախարարի կոչին է միացել ԱրՊՅ շուրջ 70 ուսանող:

Ուսանողներն ամենակարճ ժամկետում ձևավորել են կամավորական խմբեր, ընդգրկվել բազմաբնույթ աշխատանքներում. նախ մի խումբ տղա ուսանողներ միացել են բեռնաթափման ծանր աշխատանքներին, ապա նաև մեծ թվով կամավորներ տարբեր հերթափոխերով իրականացրել են փաթեթավորման և տեսակավորման աշխատանքներ:

Նրանք մեծ պատասխանատվությամբ շարունակում են զբաղվել կամավորությամբ՝ իրենց նպաստն ու աջակցությունը ցուցաբերելով հանրությանը:

«ՀՈԳԵՔԱՆԱԿԱՆ ԻՐԱՎԻՃԱԿԸ ԱՐՑԱՆՈՒՄ ՀԵՏՊԱՏԵՐԱԶՄՅԱՆ ԵՎ ՇՐՋԱՓԱԿՄԱՆ ՊԱՅՄԱՆՆԵՐՈՒՄ» ԽՈՐԱԳՐՈՎ ՄԻՋՈՑԱՌՈՒՄ

Մարտի 1-ին ԱրՊՀ հոգեբանական կենտրոնի, ուսանողական գիտական ընկերության և ՈՒԽ մարտական ակումբի համատեղ նախաձեռնությամբ տեղի են ունեցել գիտական ընթերցումներ՝ «Հոգեբանական իրավիճակը Արցախում հետպատերազմյան և շրջափակման պայմաններում» խորագրով:



Միջոցառմանը մասնակցել են տարբեր մասնագիտությամբ սովորող ուսանողներ:

Աբրահամյանը և Նինա Սարգսյանը ներկայացրել են Արցախում տիրող հոգեբանական իրավիճակի մասին իրենց կատարած հետազոտությունները:

«Հոգեբանություն» մասնագիտությամբ սովորող ուսանողներ Մարիաննա Ղահրամանյանը, Արևիկ

ԿԱԶՄԱԿԵՐՊՎԵԼ Է ԱՌԱՋԻՆ ԲՈՒԺՕԳՆՈՒԹՅԱՆ ԴԱՍԸՆԹԱՑ



ներում առաջին բուժօգնությունը ցուցաբերելու սեփական փորձերից, այրվածքների տեսակներից, վիրակապերի, հոգեբանական գործոնի դերի մասին և այլն:

Ուսանողների խոսքով՝ դասընթացն անցել է հետաքրքիր, դասընթացավարները պատասխանել են ուսանողների հարցերին:

«Առաջին բուժօգնությունը շատ կարևոր է յուրաքանչյուրիս համար՝ անկախ մեր մասնագիտական կողմնորոշումից: Շատ կարևոր է հիմնարար գիտելիքներ ունենալը այդ ոլորտից և կարողանալը դրանք ճիշտ և ժամանակին կիրառել, որովհետև մենք մեծ պատասխանատվություն ենք ստանձնում այս դեպքում և գործ ենք ունենում մարդկային կյանքերի հետ», -կարևորելով դասընթացի նշանակությունը՝ ասել է դասընթացի նախաձեռնող Յուրա Մարգարյանը:

ԱրՊՀ ուսանողական խորհրդի մարտական պատրաստության ակումբը նախաձեռնել էր առաջին բուժօգնության դասընթաց՝ տեսական և գործնական փուլերով: Դասընթացը վարել են ոլորտում մասնագիտացած էմիլյա Հայրիյանը և Իվան Պողոսյանը, ովքեր ներկայացրել են, թե ինչ է առաջին բուժօգնությունը, խոսվել է քաղաքացիական և ռազմական պայմաններում առաջին բուժօգնության առանձնահատկություններից, տարբեր իրավիճակ-

ՔՆՆԱՇՐՋԱՆ



հանգամանքը:

Ուսումնական աշխատանքների գծով պրոբլեմատիկ Գեորգի Սահակյանի խոսքով՝ այս տարբերակն իր առավելությունն ունի նաև, քանի որ քննությունների անցկացումը պարամունքների հաշվին չեն կազմակերպվում, այլ՝ դասերից հետո, արդյունքում ուսումնական գործընթացը բնականոն ընթանում է:

Ըստ պատասխանատուի՝ ուսանողները իրազեկված են իրենց իրավունքների և պարտականությունների, համապատասխան կանոնակարգերի մասին, այդ թվում նաև՝ քննասենյակի կարգապահական կանոններին:

Արցախի պետական համալսարանում քննաշրջան է: Երկրորդ կիսամյակի առաջին փուլի ստուգումները մեկնարկել են մարտի 20-ից և կտևեն մինչև մարտի 31-ը:

Ուսումնական գործընթացի վերահսկման բաժինը համակարգչային եղանակով ստուգումներն անցկացնելու աշխատանքները կազմակերպում է արդյունավետ՝ հաշվի առնելով հովհարային անջատումների գրաֆիկը և դասագործընթացին չխանգարելու

Գ. Սահակյանը հավաստիացնում է նաև, որ վերահսկվում են դասախոսների կողմից թեստերի մուտքագրման ընթացքը ու դրանց որակը: Նրա խոսքով՝ պարբերաբար թարմացվում են թեստերը, ենթարկվում փորձաքննության և անհրաժեշտության դեպքում ամբիոնների վարիչների վերահսկողությամբ կատարվում շտկումներ:

ՄԻՋԲՈՒՀԱԿԱՆ ՀԱՄԱԳՈՐԾԱԿՑՈՒԹՅՈՒՆ

Միջբուհական համագործակցության շրջանակում ԱրՊՀ տնտեսագիտության ֆակուլտետի Ֆինանսահաշվային ամբիոնի նախաձեռնությամբ «Ֆինանսներ» 2-րդ կուրսում «Կորպորացիաների շահութաբաժնային քաղաքականությունը» թեմայով առցանց դասախոսությամբ հանդես է եկել ՀՊՏՀ Ֆինանսներ ամբիոնի դոցենտ, տ.գ.թ. Սրբուհի Իսրայելյանը: Դասախոսությունը «Կորպորատիվ ֆինանսներ» դասընթացից էր (դասընթացավար՝ տ.գ.թ., ավագ դասախոս, Ա.Ա.Ալեքսանյան):



Դասախոսության շրջանակներում Սրբուհի Իսրայելյանը ներկայացրել է կորպորացիաների շահութաբաժնային քաղաքականության էությունը, հիմնական տեսակները, ինչպես նաև շահութաբաժնային քաղաքականությունը բնութագրող ցուցանիշների համակարգը:

Երկու բուհերի ներկայացուցիչների միջև պայմանավորվածություն է ձեռք բերվել մնացորդակ առցանց հանդիպումները դարձնել շարունակական:

